

*ne nos inescet & subigat; carnem ex anima & mortifica, ne spiritum pel-
 liciat & decipiat. Confige carnis tumorem, crucifige mundi amorem, coër-
 ce Diaboli furorem, ne à regno cœlesti excludamur, sed ipsius eterna gau-
 dia ex benedictione tuâ gratuita adipiscamur. Hæc promissisti Pater mi-
 sericordissime, hæc meruisti Fili innocentissime, hæc confirmasti Spiritus
 potentissime: Ingrediemur ergò, adipiscemur & fruemur. Amen.*

SYLLABUS AUDIENDORUM.

TOBIAS Zschuderly Hoiersvverdâ Lusatus, causas adferet, cur
 Christus à Diabolo sese tentari passus sit.

CHRISTOPHORUS Hartmanni Camentiâ Lusatus, post-
 quam anno MDCXLIV, d. 3. Jul. ad nos venerat, egregio Rectoris
 ibid, Dn. M. TOBLÆ Freygangs testimonio instructus, quod dif-
 ficultate ingenii & aliarum domi molestiarum varietate pertinacissimo
 animi robore superatis ejusmodi facultatem à labore continuò mutuatus
 fuisset, ut scholæ præcepta & monita fideliter auscultando & faciliè intel-
 lexisset, & intellecta ad usum salutariter & promptè traduxisset, fidem
 postea huic testimonio fecit, & Psalmum XXXIV, carmine Latino
 Elegiaco & Germanico Trochaico transpositum, post orationem
 Latinam de Verbo caro-facto, in anno præcedenti Psalmi XLVII,
 carmine & quoad linguam & quoad metrum triplici, & post qua-
 tuordecim dies Græcum sermonem de Extremo die mundi publi-
 cè exhibuit, jam valedicturus & de Tentatione duplici, Divinâ &
 Diabolicâ, peroraturus est, cui nos gratiam & benedictionem divi-
 nam aprecamur.

TOBIAS Opitz Budisâ Lusatus Psalm, LI. Elegiacò Latinò à
 se versum recitans concludet.